

Na osnovu člana 16. stav 4. Zakona o Vladi Zeničko-dobojskog kantona–Prečišćeni tekst („Službene novine Zeničko-dobojskog kantona”, broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 15. sjednici, održanoj 25.06.2015. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport, doneseno po Inicijativi poslanika Ibrahima Plančića, broj: 01-02-9463-1/15 od 05.06.2015. godine, vezanoj za izmjene i dopune Zakona o visokom obrazovanju Zeničko-dobojskog kantona, a koje čini sastavni dio ovog zaključka.

II.

Zaključak se upućuje u dalju skupštinsku proceduru.

III.

Zaključak stupa na snagu danom donošenja.

Broj: 02-_____/15.
Datum, 25.06.2015. godine
Zenica

PREMIJER

Miralem Galijašević

DOSTAVLJENO:

1x Stručna služba Skupštine,
1x Ministarstvo za obrazovanje, nauku, kulturu i sport,
1x a/a.

U vezi s aktom Stručne službe Skupštine Kantona, broj: 01-02-9463/15 od 23.04.2015. godine, vezane za podnesenu inicijativu poslanika Ibrahima Plančića, a koja se odnosi na izmjene i dopune Zakona o visokom obrazovanju Zeničko-dobojskog kantona, resorno ministarstvo daje sljedeće:

MIŠLJENJE

S obzirom na to da je odredbama Okvirnog zakona o visokom obrazovanju u BiH („Službeni glasnik Bosne i Hercegovine“, broj: 59/07 i 59/09), a sa kojim je usaglašen i Zakon o visokom obrazovanju Zeničko-dobojskog kantona („Službene novine Zeničko-dobojskog kantona“, broj: 6/09, 9/13 i 13/13) decidno utvrđeno da se visokoškolske ustanove mogu osnivati u svim oblicima svojine, predmetnu inicijativu je razmatralo resorno ministarstvo upravo sa tog aspekta. Pri tome posebno naglašavamo da je JU Univerzitet u Zenici osnovana posebnim zakonom o JU Univerzitet u Zenici prema kojem Vlada, odnosno, Skupština Kantona vrši prava i obaveze osnivača. To praktično znači da o svim bitnim pitanjima za rad i funkcioniranje JU Univerzitet u Zenici, uključujući i pitanja eventualne transformacije postojećih organizacionih jedinica, kao i pitanja otvaranja novih organizacionih jedinica na ovom univerzitetu, odlučuje Vlada, odnosno, Skupština Kantona.

Dakle, mogućnost osnivanja drugih visokoškolskih ustanova na području Zeničko-dobojskog kantona, kao i njihovih isturenih odjeljenja i slično, ne pretpostavlja bilo kakvo prethodno izjašnjenje Vlade, odnosno Skupštine Kantona kao osnivača postojeće JU Univerzitet u Zenici u državnoj svojini.

Stoga, a imajući u vidu naprijed navedeno činjenično-pravno stanje, kao i pravila poštivanja konkurencije na aktualnom akademskom tržištu, stajališta smo da nije moguće ograničavati, odnosno, uslovljavati sve ostale zainteresirane osnivače (a posebno ne privatne), ukoliko već prethodno ispune decidne zahtjeve za osnivanje visokoškolske ustanove na području Zeničko-dobojskog kantona, koji su propisani i javno objavljeni od strane Ministarstva.

S poštovanjem,

Broj: 10-02-9463-1/15
Datum: 05.06.2015. godine
Zenica



Dostavljeno:
1x Stručna služba Vlade
2x a/a

Mensur Sinanović
fer